



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,
Stoicæ, Christianæ, & Spiritualis**

Nieremberg, Juan Eusebio

Paderbornæ, 1711

Decas IX.

[urn:nbn:de:hbz:466:1-50306](https://nbn-resolving.org/urn:nbn:de:hbz:466:1-50306)

77. Cum omnibus pacem habeto, cum vitiis bellum. Præ cæteris autem procura tecum ipso concordiam, id est, ut cogitatis consentiant verba, verbis opera, operibus voluntas.

78. Cùm rerum eventus nequeant aptari votis nostris, aptanda sunt vota eventibus, eorúmque moderatione præoccupandus dolor, quo gravamur. Imprudentia est, quod longè abest, vel omnino abest, efflictim concupiscere, & quod ad manus est, negligere.

79. Servire temporis munus est honoratū, imò & Regium: servire, quia cogeris, mæcipii: servire, quia sponte vis, ingenui.

80. Time magis conscientiam, quàm famam. Optima fors felicissimi est innocentia, neque laus ulla major, quam meruisse laudari. Interest non quis videaris, sed quis sis. Quid juvat te commendari, in quo conscientia te damnat.

DECAS IX.

81. Magnæ pollicitationes jure solent esse suspectæ: qui illas offert, cùm ægre queat præstare, aut decipit alios, aut si se ipsum non fallit, stultè obstringit.

Grandia dona plùs amant dari, quàm promitti. Satiùs autem est grandia præstare, quàm spondere. Age quod spononderis, non spondeas, quod forsitan acturus non es.

82. Verè dicitur communi adagio: *Qui citò dat, bis dat.* Muneris pretium voluntas est, & hæc celeritate constat. Offensam excedant benefacta, & beneficia gratitudo.

83. Feliciter errat, qui corrigentem habet. Carent hoc dono feliciores, neque Socrates in Principibus reperit. Plebeios deliciæ non obruunt: plùs curant, ut vivant, atque ideo facilè corriguntur, aut legum fræno continentur. Totù hoc alienum est à Principe; cum paucis agit, & hi non loquuntur nisi placentia, aut non excitantia sensum.

84. Non sunt dispensanda imperia cum potestate Dominantis, sed in mansuetudine Patris. Naturâ suâ subjectio gravis est, atque ideo mitiganda affabilitate imperantis.

85. In consiliis audiendi sunt omnes, sed quod rectum est statuendum. Quod statueris,

tueris, non exequere per eos, qui non probârint. Turpe est errare in idipsum: nam & bruta primus casus cautiora reddit. Qui dissentit statuendis, non promovebit statuta.

86. Consilium, quod voto tuo arriserit, suspectum habe, & timeas exequi. Nam vel imprudentiæ arguêris, quòd malè cæperis, vel inconstantia non continuando quod inchoâris.

87. Consilium prudentius est, quod securum: opportunum, quod expeditius: quod facile, acceptabilius; optimum quod includit hæc omnia. Id innuebat Asclepiades, probabâtque Cornelius Celsus, asserens Medicorum esse, mederi cum securitate, cum brevitatem, cum voluptate.

88. Nostro sæpe ineptimus iudicio; idcirco sensui tuo nè nimium adhæseris: sic enim quilibet, nè te offendat, sinet errare.

89. Solon scisâ in partes Republicâ neutri dicebat adhærendum. Non æquè id tutum est, cùm duo potentiores diffederint. Nam Pace reducta unus obliviscetur obsequii, alter meminerit injuriæ, quâ

se credet impetitur. Evenire hujusmodi, quod vesperilionibus, solet: avium muriumque induti formam ab utrisque patiuntur. Ità & illi fugiendo discrimen, incurrunt. Quanquam neque ipsum periculum vincere expers est periculi. Felix malum, in quod virtuosus incurrit! neque ulla est tanta felicitas, quam non infestent mortalium quærelæ.

90. Crudelitati multa cum inhonestate societas est. Mens humana habitare non solet in domo subdita affectibus ferinis.

DECAS X.

91. Luxum vestium optimè dixeris inscriptionem vanitatis. Insipiens est, qui facit impensas, ut vanus censeatur: se depauperat, ut credatur dives.

92. Duobus malis subjacet ambitio: redditur odiosa, & fit infelix. Rarò evenit prosperè, si quis contendit Domino suo æquari.

93. Admodum pretiosa rarò profunt possessori, & quod multis arridet, ægre potest retineri.

94. Cum arte solet punire Justitia Divina: æquat pœnam culpæ, & per ipsa peccati